

四庫禁燬書叢刊編纂委員會

北京出版社

四庫禁燬書叢刊

集部第一六五冊目次

胡維霖集三十四卷(二)

〔明〕胡維霖撰
明崇禎刻本

一

方玉堂集二十八卷

〔明〕宋應昇撰
清乾隆刻本

一五三

兼山集四卷

〔明〕楊廷麟撰
清康熙貞齋刻本

四六五

王叔聞先生詩鈔五卷

〔清〕王鐔撰
清乾隆七年清芬堂刻本

四九七

湘帆堂集二十六卷

〔清〕傅占衡撰
清康熙六十一年活字本

五二三

胡維霖集三十四卷(二)

〔明〕胡維霖撰

明崇禎刻本

江西省圖書館藏

書係浙江以後音札前工部稿沈徐州

荅朱平涵相國

荅葉相國老師

荅鄒靜長憲長

荅順德陳三守

啓直指公

荅徐眉雲司封

荅陳雲怡儀部

荅周挹齋宮允

謝鄭方水大宗伯惠文集詩扇

謝大宗伯鄭方水作先通議神道碑

荅劉念臺大京兆

謝李燦巖總河

荅沈青嶼侍御

荅曹穀雪庶常見惠佳稿詩扇

荅梅長公巡撫

荅姚益城巡撫

荅陸鳳臺同卿

荅徐若谷中丞

荅王康宇大參

荅蔡輜先司封

荅姜箴勝官詹

荅鄭方水大宗伯

謝董思白大宗伯

與緝子侄明經

與楊霞標大參

與推闡霍覺弦

荅王石雲齋錢楷

荅解石帆都諫

寄李紉敬侍御

荅戴斐君司勳

寄田玉溪南通政

荅胡雪田進士

寄徐明衡考功

荅方萊阿憲副

與錢御冷官詹

荅金雙南銓部

寄鄒匪石同卿

寄念麓家侍御

寄貞木侄孫

荅汪生洲奉常

與倪鴻賓大史

荅錢昭自方伯

荅朱恒嶽總督大司馬

荅錢御冷官詹

荅解石帆都諫

荅蕭三義大行

荅應大室

荅沈日倪銓部

寄陸東虛東粵左方伯

荅韓止修翰撰

荅楊遜初大參

荅張海澄大參

荅陳匡左河南左方伯

荅官保蕭玄圃

荅華中翰

荅邢州諸孝廉

荅紫孝廉

寄白華池奉常

荅吳鵬澤齊東陽

與戴紫宸大參

與曠聲和聖卿

荅胡厚菴憲長

荅楊水心舊金華

荅王玄珠侍御

荅顧玄水掌科

荅陸筠脩學憲

荅漢襄明淮安二守

荅曾二雲常州

荅關父母

自雲洞集稿卷一目錄

荅徐明衡司勳

荅起貞兄師

荅董定所少司馬

荅王匡石大參

荅胡中在司勳

荅林自明憲副

荅毛孺初巡撫

荅沈蓼懷光祿

荅陸羽明少參

荅魏華山憲副

荅章仲山奉常

荅袁鳴配憲副

荅姚羅浮大司空

荅楊二生

荅張魯齋都諫

寄葉世兄尚望

與比閔青

回唐應菴

回浙中藩臬諸公

荅戴斐君司勳

荅沈愚公舊錢唐

荅蕭三裁大行

與李完玉侍御

荅蕪抑堂考功

與總漕蕪石水老師

荅許舍人

卷三目錄

寄謝冢宰閔魯泉

荅浙撫陸鳳臺

寄鄭方水大宗伯

荅董聖臣左方伯

復衷大可

荅王爲谿憲長

與許方谷粵西巡撫

自雲洞集稿卷二目錄

與馬芝嶠大公祖

寄陳岵月大參

荅楊斗望憲長

荅魏瑤海撫臺

荅縣庠三廣文先生

與陳雲怡學憲

與錢御冷南少宗伯

荅陳剛長宣城

荅陳岵月方伯

啓解石帆撫臺

荅李懋明尚書

與傅寄庵官論

與周柱瀛憲副

與浙撫羅貞復

荅陸衷虛南贛巡撫

與念麓家侍御

與周日合憲長

與陳雲怡學憲

荅林澹生憲長

復鄭司訓

賀周柱瀛少參轉憲副

與兩廣總制王弢雲

荅福建巡撫鄒匪石

與張泰符方伯

卷四目錄

與王遂東兵憲

荅舒礪石先生

荅王爲谿憲長

與吳行可司農

荅聞子將孝廉

荅李恩公大參

荅田百原中丞

與張司李

荅袁玉如文學

荅樂平黃中翰

白雲洞集稿 卷五目錄

五

荅熊壇石大司馬

荅戴初士孝廉

荅姜開初方伯

荅高安蔡父母

寄晏季復太守

與蔡蔡明司理

荅李渭疑兵憲

與郭大薇大參

荅侍御葛介公

與王在調大參

荅劉吹臺大行

荅參知晏公明

與少宰姜燕及

與何鐵峰南昌

荅曹九章孝廉

與陳素菴編脩

賀解撫臺六載榮滿

與陳守石進士

與黃五湖建陽

荅晏大參催文

公書啓郡公祖

荅葛侍御介公

謝閔曾泉舊冢宰

謝閔園容永新

公啓加科舉入學照大縣

荅晏季復太守

戊寅仲冬與諸公祖書

啓解撫臺部院

與李翼明父母

賀草仲山少司寇

回劉念臺少司空

寄倪鴻寶大司成

白雲洞彙稿

豫章胡維霖慶說甫著

男秉忠

秉清全編

荅朱平涵相國

瑞雪映沙堤梅花漾若冰知帝心蘭在衣歸有日
若夫德備四氣文似六經讀小品已見大乘又聞紀
載直廣鄭端蘭雷司空未傳之文而原道能闡薛文
清陳白沙未抒之蘊所以覺後覺者至矣何時發西
山俾蚤瞻華嶽也承示先通議傳跪而誦之不惟傳
其事且傳其神何也先嚴生平嘗以康齋先生未從
祀爲歎歎而談雙溪令華亭與克齋家學尤不置口
得此傳世世子孫當頌德不朽昔趙大洲銘王心齋
與文成如車兩輪實貫一轂但不知老先生傳康齋
與先嚴何如中郎表恭宗固從民望敵省先後諸公
何幸得附青雲而聲施後世卽匡彭且色飛而朝宗
矣豈獨不肖對環已哉

荅蕭三義大行

前走僕未悟徘徊國內者久之詢及主人可開而不

可見已知其高邁承論長兼徐沈夫徐自下腐刑其
在不可及或者詩類謝茂秦乎郭青翁短小精悍文
起嘉隆之衰武落苗夷之膽年兄異日以謏弟墓則
可今日面諛則不敢受諸上人年兄何不稱老衲子
而服少年恐慧則慧矣戒律未必精嚴也然韻語殊
不俗桐江山水橫流子陵無處下釣台旌侯波靜徐
發庶便登臺不盡

荅福清葉相國老師

去春捧誦師諭念某之坎珂策某以前途感泣無地
每遥想蒼霞吟咏與三朝相業企足千古福履盛
事視洛社更爲過之先嚴一生刻勵始焉誦老師之
文以爲歐蘇復生旣焉聞老師相業獨力撐持以爲
兼房杜之美迨癸丑見某幸出門下喜不自禁常自
爲得老師傳之足矣今辱名筆可了先嚴夙願使後
之傳理學儒林者知西江有二胡先生感激曷可言
喻

荅李懋明戎政大司馬

台臺幸際堯孟際明長卿命手載一時不肖敢以

泰之九二進包荒馮河互用此所謂有命施祭而嘯
離祉者耶年來西沅波浪天湧中流砥柱人人皆鐵
骨最喜者以文饒之風采雖災不害此廟社之靈
而中興之幾也吾鄉自羅文莊熊恭肅后氣宰似
少名世今日其在台翁乎荏苒海邦猶聞攬轡澄清
率以爲二百六十餘年所未有不知何以得此于浙
人徐若老書來謂近日數篇大文字皆出于浙不肖
以爲此聞衛公之風而興起者也魏氏父子業已扁
其一門忠孝若吾筠忤奸最先遭禍最毒之貴同年
尚未見啓事何不蚤慰輿情而鬱堯之朱大僕當作
何表章特愛附賁

荅台紹道鄒靜長憲副

數月來海上煙消霧淨皆祖臺威名有以制其勝而
禱其魂弟輩仰瞻台光直如霞起知仙才仙品固有
夙緣饒歌之暇自饒清新佳句可能見示以豁蓬心
否承諭遊戎事撫臺謂遊兵之設起于叅戎各守信
地不肯策應故遊者遊也須屯于兩區之間無安坐
于台區之理畢竟往來境與庶便策應申開調停之

法想祖臺自有妙用若春夏祭師赴溫防豫恐台遠
兵民未肯帖然也該遊實時任事破損爭苑能已見
于去秋今勘功優叙正其聲望濯濯之日何必疑慮
從來兵機事也將機身也卽此可規機宜該遊見必
及此祖臺一意主張彼自安心供職矣

荅錢御冷詹事

承諭微陰始芽履霜堅冰可爲寒心弟以旋乾轉坤
諸公當有妙手似不可以口舌爭也爭之則激萬一
諸君子不能發明王之憂將奈何戚奴固難守遼
白雲洞集稿卷一
亦不易但恐以一塊土剝中外之元氣皮盡而毛將
安附語曰足寒傷心人怨傷國司藩者特抱杞憂經
國者獨不徹桑土乎財賦不足來教所謂四弊誠居
其半而豪戶頑戶之逋者亦居其半夫預支之弊猶
可除也衙蠹豪猾解戶多強有力者爲之窟穴縣官
一破情面蜚語百出雖熱腸安所用之爲郡邑者須
人人趨張翼渤海而無柰世多中才呼之不應縱嘔
盡心血無半點及于窮簷卽如貴郡何郡而別駕率
多例貢貴鄉何縣而署篆黃忝賢遠欲借司李而

司李以隨潛行矣有糧道有監兌又益三司泰乎准
上十羊九牧亦咄咄可怪姑言之以見外吏可爲而
不爲也有變理之精思者何以教我

寄順德陳三守

三輔重地借鼎澄清刑囊士民何幸微有福曜不佞
并州之誼念其士風最淳民俗尚留三代之模夢想
未嘗忘鉅鹿也但無功無德故伐石樹碑鳩工立祠
或欲以土偶而風來者乎真愧此一方民矣

荅李夢白大司徒

自雲洞集卷十一

五

夙叨老公祖嘔培待罪名邦屢荷勲懇此情此誼感
在隰桑之末章矣今飭兵武林又棠蔭舊地竊聞清
風與蘇隄金傳不朽前者聖明特召而東山堅卧
未識何故迫捧台札知有公子之變爲慟悼者久之
或者其文之奇爲造物所妬而精刻之極神未免受
傷耶達觀無庸唁慰况有蘭孫穎異家學依然燈燈
相續乎

啓直指公

浙中雖號財賦之和其實資國也五臺以清醴振興

治起今日之膏肓回東南之生氣中興景象先見于
首藩但吏治之清者不但清一已湏清衙門以內衙
門以外之奸而后謂之清疏民心上之鬱滯解民身
上之疾苦而后謂之清真清者時時從百姓起見賦
才雖中庸于民亦實有所濟猶愈于張才名而營私
竇者其毒更甚也凡媚上司媚鄉紳者必非循吏則
求循吏于今日須在聲華之外何也有實必有聲聲
在民間不在知交游揚故因論吏治輒敢剖其良心

荅韓止修翰撰

自雲洞集卷十一

六

我明詩文莫如國初青田金華之文季迪子高之
詩尚有漢魏骨氣厥后北地信陽瑯琊歷下雖云振
其衰而實漓其元惟湯義仍之宗六朝猶不失爲六
朝也近得台臺表章之殊快我私制義自爲可傳然
傳者傳聖賢之神非傳漢儒宋儒之神也今却被訓
詁埋沒認賊作子可憐經書鑿之又鑿至于今日殆
無完膚又安論其神所選文在庶爲近之何時過蘇
隄當續其狂論

荅徐翁雲司封

憶國士橋畔誦年臺佳句那州人士直與天風大陸
之作金傳不朽獨恨地主愧予鱗無能陪山公作大
行遊山記耳數年來仲宣樓上鼓吹休明必獨翔一
太手裁以眷中郎之案若夫剝落之極須培陽氣以
固泰運中外人倫仰水鏡久矣蘭芷蕭艾凜然筆下
寧能久戀鶴澤乎弟在苒海邦衛民無術悼勝有淚
藥山之想殆非虛語

答龔禹鑄禹錫世兄

佳刻亦玄亦古談理開聖賢之生而論事入世情之
白雲洞彙稿 卷一
七
鑾理洵經國大業也暗中摸索知爲至寶追讀老師
文集不覺泣數行下其忠惻昭于日月典謨章于雲
漢風雅妙在高山流水迺造物忌其才使修文天上
不得親相業之輝煌有餘憾焉雖然有子瞻穎濱在
老泉可以不朽矣

答陳雲怡儀部

翁臺文章經濟針針見血倘得銓衡流品使仕紳共
見本來面目世道之幸矣如弟一生孟浪雖歷千辛
萬苦茫無入手何時促膝談心渡我苦海讀問心錄

通知披枝見根精神宜已通天徹地宜與吳山越水
同其高深今日士大夫能問自心於問天下之心者
幾人殊可浩歎捧新刻如見故人率謝不既

答過成山京兆

向閱名臣言行錄列卿紀暨獻徵錄以熙朝人文
在茲復嘆其詳于仕而遺其隱不因地考人而以人
重官殊非全璧昨捧誦佳刻信鄭端簡列傳所未竟
王介州史料所未備以視獻徵錄固簡而典以視列
卿紀則詳而文煌煌乎一代之信史也哉

白雲洞彙稿 卷一

答周挹齋宮允

憶自彭城道中促促晤語迄今六載于茲且夷猶湖
上者兩秋冬矣瞻紫氣于北關不見猶龍東來惟聽
謝公之屐入山惟恐不深此際難言哉想卽吉伊邇
靜觀于天人之故所爲救世相業安在語云豫章之
木干霄直上經年兄所識拔者皆挺挺孤幹將來爲
棟梁之用不少沈年兄嗣子固執執亦復英英附聞
答沈何山少司寇

老公祖建節西江時蒸以待罪冬曾未遂登龍今木

年于茲頌召崇者過大江以西况叨兩世年誼其爲感激可勝道哉側仰名世經綸雖暫爾鴻冥不踰時自當召還倘朝廷可使無皋陶之宜則鳳鳥不必鳴岐山而松栢且爲蒲柳矣况莊誦佳刻人與言俱足千秋而謂能久卧東山乎若夫黠淺蚤負拙狀已見于二載今綆短汲深益用惴惴所恃南車庶免冥行

謝鄭方水大宗伯惠文集詩扇詩詠鈞臺

海內翹首名世人情賢于夢卜若文起唐宋之衰格還西京之盛我明之奇而大者獨弇州與先生捧誦佳刻恍登泰岳蒙賜詩扇更豁蓬心敢祝曰靈山起鄭公渭水奠周鼎又何必咄咄強奴稱客星乎

荅謝大宗伯鄭方水作先通議神道碑

跪讀高文典則奇古於赫昭代先通議願附有道之流亞老先生文品則超中郎而上之美以視王文恪之表二李先生趙文肅之表王安豐不啻伯仲之間至處家庭爲廟堂對妻子如嚴賓先嚴千載而下猶有生氣世世子孫繫於是文嗣容面頌稱謝

其二

先大夫微祿筆以光泉壤亦其不朽之精神動于天而契于老先生夫豈偶然哉知巨卿顯相尙難得一字之榮而肅布師儒乃獲借九鼎之重且先祖一生義氣畫龍點睛并傳其神世世子孫誦德無量長豚蒙賜汪文定集與高麗硯金藏家珍次豚綵袍再辱寵命何愛人無已捧雲漢之文深有造于小子佩蓬瀛之服增長壽于大年光賁寒門發輝陋質敢不拜嘉鳴謝

荅劉念臺大京兆

憶甲子鴻飛冥冥泰山巖巖識者以台臺之出處卜世道之盛衰今世際中興須得第一流以振醒百辟台臺如陳恭介之清絕一塵又如陸莊簡之岸照九流倘借銓衡寧啻門調戶選矣乎不肖在苒名那感劉公知我勝我自知但入寶山而空回帳歎如何魏黃二公業扁以忠節光其廬矣獨是纖璫之私人雖久淹禁尚未題請以消兩浙之恨蓋因其先時免脫者尙未就擒故也今以子弟代罪卽擬會審轉詳百

凡惟勿斬指南匪賴所悉

答許定平光祿少卿

俸讀荆溪遊觀心義掩二陸於雲間振唐中丞之絕
響快甚快甚再閱洞庭記射學指南業已吞雲夢者
八九裁甲兵者數萬洵中興大業不當以山林經濟
目之想今日東望海西望湖三百六十古精廬都在
子將月旦中視洞庭荆溪又何如也

謝李燦巖總河少司空

台臺爲正人領袖所願執鞭久矣每恨才識黷淺無
自雲洞裏倚

卷一

二

富于呂相之袋昨接邸報辱華袞之褒且感且愧而
敬載拙狀不得不鳴于知己之前意庚申歲曾首効
勞于門工極荷楊應山肝膽相照迄今言之涕零
嗣後乙丑丙丁之間待罪浙中叱逆祠之呈不與轉
詳且力抗兇鋒不肯拆一書院日與逮問諸君子周
旋時時慰以天道不可無陽世道豈能盡殺君子至
丁卯有好棍假逆璫密差邏卒叱咤于縣官之堂嫚
罵權關使者不肖擒而置之重辟竟以轉詳疏聞
人人爲不肖危不肖亦挾七尺于度外以故同事

門工者加級至正卿而逆賊竟削其名不叙彼時已
知有今日一腔忠憤諸君子知之足矣

與唐遜菴憲長

追隨南北者七載荷台翁披誠見示誼叶墳篋情同
骨肉昨聞至性之言豈敢作不情之語但以養志挽
兄遙思益捧與舞班原非兩念二尊人正喜三世
之綸宣願台翁遽開綠野之堂且呼嵩謁帝方覲
日月之光而浮海登仙便結雲霞之想人子報國報
親道固如是乎切直之規台翁身以弟爲生于空桑
弟言實本于孝經也

答沈青嶠侍御

瞻拓臺則有主聖臣直之義規崇蔭則又有召父桂
毋之思若以一代之清人主持一代之清議近讀風
雷之奏彌開日月之章獨是盈盈一水不獲望聽馭
以抒蟻誠而缺候至今踈節之罪可勝誅哉從貴門
生詢知令公子借金陵之壯觀修至堂之大業固是
大蘇小蘇樂可知也不肖在葑海濱泉石之舊愆未
澗而維藩之新圖茫然何以作我司南

寄熊壇翁少司馬

承賜采薇佳刻讀之勝讀玉文成居夷錄與蘇長公
嶺表諸什何也事理畢具而忠義之情文燦然蓋已
變騷還雅今哀歸坐籌帷幄以采薇治外天保治內
不惟可禱奸雄之魄兼可落夷虜之膽但目前江湖
氣急宜深心以鎮之若夫荏苒海邦不發不鳴徒歌
慶曆詩于湖上竊恐孫伏之議石介也凡可爲司南
者惟勿吝金玉

答曹我雪庶常見惠佳稿詩扇

詩咏重陽

白雲湖東稿

十一

承賜詩扇子建之才與元亮之節具見之矣若制義
在我 明爲必傳之業妄意隆萬以來獨鄧文潔高
古典則不落時徑其餘雅者未必風空者未必實擬
古者未必愜心尙恬者未必証聖不衫不履者未可
語於清廟明堂之器大都才品學識各得其一故言
下之味未必深長而可咏可傳愈咀嚙愈雋永如醖
酬又如菽粟禪門見之謂之金剛道家見之謂之金
丹吾儒見之謂之金聲玉振此必有絕世之資大過
人之養則文繁之后獨見合翁乃遲遲至今天或留

以應 中興之景運乎憶

世廟有唐瞿許陸之文故熙熙皞皞太平四十五載
則讀尊稿者又不獨文章慶當爲世道慶矣

答梅長公巡撫

癸亥台旌過邢地之一之誼缺然迄今思之愧汗浹背
當今世事需人甚亟台臺從吉伊邇人人共仰救世
之韓范但江湖波浪天湧執圪者無從着力不知諸
君子何負于國而值此崑岡之災歷陽之災也過嚴
灘昭蔡建德詢起居清勝無何而台札至矣捧誦神
聖當斯時惟恃 九廟之靈以俟七日之復若荏苒
海濱潮頭一葉早晚間耳

答吳茲勉大參

學憲應轉京卿况以年翁當代慧眼數月而完科試
執法如山近世所未有想內召當在旦晚入闕暫借
澄清何不叱馭使此邦歌神化乎弟如學步小兒無
人提挈祇有左顧右盼恐畢竟占脚不穩兼以代庖
陪巡嘉湖因而冒暑病廬與魔君酣戰者經旬真可
謂置之死地而後生今尚在杜門調理俟秋深另作

歸計耳

答姚益城巡撫

昔年薪標羅畫雲夢之英今日桐封駢集江漢之渚
所持彈壓霜肅激揚風清南國遊于冰鏡而莫于履
孟名世之猷遠矣某久饑山斗叨任大邦親聆鼎誨
但今天下值無可奈何之時而貴鄉又值無可奈何
之人守土者功名業置度外倘得免雲霧之開採幾
幸地方無事足矣不肖黔驢之伎倆已窮荏苒之罪
過日積倘微庇不即幽黜安得依芙蓉之帳以竊蘭
芷之香

白雲洞集稿

卷一

十一

寄福清葉相國老師

某辱門墻者十五載自甲寅一別竟無緣親候師顏
人非無情誰能堪此癸甲之間老師撐持世界尙可
望見太平今三年於茲視司馬相公在國之日又何
如也不能不令人歎歎想福廬山上綠野堂中其屢
念更切若夫黥淺不飛不鳴無能爲師門光而在苒
藩臬又當極衝極沸之地馭素驕素諱之兵將來不
知作何狀閩浙相距不遠久缺修候茲因風便肅緘

寄訊

答陸鳳臺閣卿

台臺資深望重久擬節鉞撫衛茲聞內召清卿易勝
喜躍弟以備拙嘗此極衝極劇之任幸芳規在前可
遵何約束然其法是也而補不肖畢竟運掉不靈正
急欲請益迺天假之緣值台旌過湖當圖細領南車
至髫年捧誦先翁講意恨生也晚不獲北面師承今
蒙賜佳剡聖賢之心目宛然如在老伯之精神千載
不朽而德門名世輩出爲海內士紳領袖則此周學
自雲洞集稿

卷一

十一

脉而實政諸矣

與錢御冷宮詹

際堯天舜日觀月色與湖光追憶去歲相對歛歛光
景若長夜忽旦愧不能式廬與昆王抵掌談太平勝
事客冬歸里每持大作聊諸同志曰在苒三載幸獲
此寶以歸諸公會謂當崇錫理學之日太史獨注意
於豫章儒林已卜西江蘇趙色且談彛庭節義輩出
令侄亭亭百尺之幹公即英英九鼎之才覺燭光照
耀無不色喜茲刻先傳呈覽以志感謝私衷

答徐若谷中丞

自章門晤別吾鄉特起沈淪之色但以翁臺之忤奸
最先遭禍最毒者啓事偏違何也邇來當事者不能
一德一心漸啓英主之疑就枚舉之人情忽有異同
致上千雷霆之震識者不能無杞憂承諭某固謝王
亦周鼎也敢不珍之護之六橋三竺得借西方美人
而西湖主人不能爲九里之潤又不能作十日之飲
乃知廉使不可爲已茲返棹西歸草率佈復惟側聽
新命以慶泰茅

白雲洞集稿卷一

一七

答金雙南銓部

荏苒名勝之山川循省鯨曠之日月汗淫淫下矣且
愧無九轉丹砂以障東海之波惟愁眉向若而嘆兼
以槩山移文病魔相尋乃辱錦句醉翁之雅韻與山
公之品題直可捧爲家珍狗德以當此因思我明
水鏡稱五產大宰未聞深於義者年臺亦及高五臺
一等乎拜登詩扇也勝爾朋盛儀謹謝

答王康宰淮海道次奉

側仰牛山非春日美瑤翰自天踟躕無地及啓楫讀

之奇書種種先進迭遺風天人之妙緒心以快而目
漸開乃知治身以治天下世臣以主持三教者經綸
兩間也語云素書留侯之所以佐漢信不虛已若夫
風雅黜綴山川形勝令郎先生經義以拙寫聖賢生
而此皆經國大業何俟贅說

寄鄒匪石岡卿

以台臺揭日鴻猷凌霄正氣卽應綱紀栢臺作禁中
頗牧乃先置之南卿豈以南都爲清議所從出必須
清人主持乎又聞欲借重邊撫夫兄在北北重在南
南重在邊邊重何所不可然當聖明求治召對日
勤之時得孤忠如兄以侃侃其間不惟上可傾堯舜
之聽下亦可消玄黃之戰似此聽言大廣取民大急
主計者曾不念東南之馬力已竭而西北之盜賊蜂
起就如西江赤旱千里賦稅從何得來吾邑兩載無
官如失乳之孖日見羸弱誰爲繪鄭俠之圖請循良
之吏弟防海無策憂江有恐齒髮漸落病日半載伎
倆與心血俱枯矣知已何以策我

答蔡驥先司封

常 中興盛際時起治翁持衡雖有小事往來未之奉
社決非門調定趨而已乃更奇者慈神聖明斷多
出人意表輔以少年出公明浪映發且自 神廟來
真清通簡要者獨見陸五臺其年三時太材如燭照
數計而出以厯公厥後統均百僚亦不過是迄今娘
美當在年翁夫以數十年之久宇宙之大而天邊王
尺多出仙里何也水鏡在也天湧之波浪地域之穴
戰消之以平易曰渙有丘匪夷所思台臺自有妙手
此 宗社之福中外所共禱無曰此疆吏而嘽嘽何
白雲洞雲翁 卷一 一

爲者亦恃風愛乃爾

寄念麓家侍御

讀大疏詞約而事該語婉而意直洵議論也當今吏
治以不陰不陽之習氣而成不痛不癢之世界所持
以喚醒之者全在直指公驥取當據何方之山岳哭
緊在辨巧宦拙宦閭年見昨歲舉三鳳視老泉福又
過之如弟徐世頭陀每自惟福薄惟有積德德薄難
有惜福天下事收得二分便是十分慈悲惡得一分
便是十分愛用知命之年數當知止之日矣若數年

泉署之送幾處度亦合特宜之拙狀有聞惟見示
答幾處度亦合特宜之拙狀有聞惟見示
先嚴借光高第其冊可以不朽更辱翰墨淋漓當作
襲珍之以煥耀蓬蓬使世世守孫捧讀謝之代名世
兼入法妙義洵然朝盛事嘗記先嚴讀正之季深
服貴卿謝文正而不滿于季長沙年兄以忤璫被逐
正色立朝先後一轍弟當另錄一通與 諸命同焚
先大夫寧不含笑九原乎

寄侄孫貞木

自雲洞雲翁 卷一 二十
佳稿方鐫成先寄十帙奉覽但恐三都作序不勞皇
甫士安萬乘爲僚只有東方曼倩以余觀今天下文
人一時盡在詞林恐也子不得驕語部郎也賢侄于
二者何居記陸平泉先生六十生于其子成進七終
養十年賢侄早壯載則異日終養多十年余誦經自
懺幸遇兒有難發頭陀風韻升魁或可誦法藏碎金
字堂亦魚之聲差惡耳近因悟炎土作苦稼穡作
耳欲改問魚聲爲稼穡軒蓋人生從性命做工夫者
乃爲稼穡賢侄進貞穡事何似